

甘肅全省新通志

卷五拾玖

76587

20180

39

部=45

甘肅新通志卷之五十九

循卓

列傳著循吏史漢已然然司馬遷所著者五人班固所著者六人范蔚宗所著者十二人何稱為循吏者之難也甘省地瘠民貧休養生息不乏循聲卓著之員今為列傳次名宦後見甘棠遺愛民間尚繫去思云

蘭州府

秦阮翁仲交趾人氣質端勇異常人始皇併天下使翁仲守臨洮威振匈奴翁仲死始皇鑄為像置咸陽宮司馬門外匈奴至者猶以為生

漢劉紆中元初為隴西太守遣兵擊參狼羌斬其酋豪首虜千餘人餘悉降

甘肅新通志

卷五十九

職官志

循卓上

一

孫羌延熹中為隴西太守擊破滇那羌斬首及溺死三千人

宋張詵蒲城人熙甯中知熙州董氈遣鬼章逼岷州詵往討破之斬首萬餘級

舒亶字信道明州慈溪人元豐初為審官院主簿使熙河括田有績遷奉禮郎

鄭驥字潛翁玉山人姚古奏為熙河蘭廓路經略司屬官地震秦隴金城六城壞驥言六城熙河重地宜趣繕治因自請董兵護築益機灘新堡六百步以控西夏堡成以功遷官高宗初知同州金將婁宿犯同州城陷驥赴井死贈樞密直學士諡威愍著有招邊錄十卷別錄八十卷河隴人物志十卷蕃譜系十卷

明柳翊偃師人由國子生洪武中為狄道典史吏民推服

史欽丁溪人宣德中舉通經任狄道訓導博學能文善於造士

尹 涪四川舉人正統中爲狄道教諭嚴立教條諸生多所造就
任滿陞監察御史歷山東參政

黃 琥字瑩之豐城人成化間同知臨洮府嘗督賦平涼以所得
羨餘代民逋租岷州用兵琥督餉數萬區畫咸宜洮水歲漲民病
涉琥爲修浮梁以濟郡人廟祀之

陳 翊字孟佐直隸崑山人成化間由貢生任靖遠教授立教有
方訓誨無怠一時士子多就門牆人稱玉峰先生

何 紀字廷振四川人宏治時由貢生任靖遠訓導精舉業善講
解使人易於醒悟

党 茂忻州人初官武功知縣性澹篤質直而善緘默御史治民
不責於人情之外事完令行而已中更剛正不畏彊禦譽來不喜
謗至不怒有長者之道焉當路者以爲才劣於縣改渭源令檄至

甘肅新通志

卷五十九

職官志

循卓上

二

旣然委任以去茂在渭源常增築月城爲宏治十七年事

李 爵山西太原舉人嘉靖中任靖遠監收同知清介自持收支
平允其恤民造士聽斷勤明尤爲人所欽服尋遷鄜州知州

趙 鑿山西大同貢生嘉靖丁未年任靖遠教授剛正不阿課士
有條尤善吟詠

歐陽元江西太和人嘉靖壬子年由貢生任靖遠教授待士恩義
兼盡訓誨意趣詳悉邑人稱頌

李廷璋岐山人由貢生任靖遠訓導訓課生徒朝夕弗懈一時羣
相奮勵多親講學

李 鬻山西平陽人由貢生任靖遠訓導善誨迪以成就人材不
負師傳自期後疾歸

馬如驄直隸薊州人嘉靖三十六年任靖遠監收同知釐剔冬防

虛冒出納嚴明撫綏軍民作興士類後與鎮守抗禮去

李世昌山西霍州人由貢生任靖遠訓導小心抑畏學問優長教誨生徒資贍貧寒在任四年多所成就卒於官

徐行恕直隸鳳陽監生嘉靖四十年任靖遠監收同知爲人忠信篤敬不攜眷屬以疾卒於官

李 瑤山西諸城人嘉靖辛酉年由貢生任靖遠教授立書程以課士履寒暑而不輟一時文風丕振提學三試稱最

崔 澤山東興縣貢生隆慶丁卯年任靖遠教授骨鯁方直悃悃無華訓課殷勤厯寒暑無間

武大甯偃師舉人隆慶中由鄉薦累官臨洮府通判臨洮古隴西郡烽警時虞大甯奉上命持齋金帛撫定邊陲勞勩著績所治錚錚有聲

甘肅新通志

卷五十九

職官志 循卓上

三

李 春直隸南宮人隆慶壬申年由監生任靖遠監收同知剛介明決積滑盡爲落膽數年宿弊一時清剔以疾卒於官

胡 鏜山東登州歲貢萬曆二年任河州學正問學該博雅意作人其律已嚴甚而接士和氣益溢人樂造就尤加意貧士時資以俸粟俾得專意進取儒林宗之

竇爾長順天人萬曆八年任靖遠同知通達政體上官有過輒被繩糾值歲荒軍民多所全活

田子修白水人萬曆九年由貢生任靖遠教授剛方正直待生徒誼猶父子歲大饑捐俸米以周貧士備飲饌以課文章後遷韓王府教授

李 植直隸大名入由監生助教萬曆十四年陞任靖遠同知有惠政禮賢敬士隆施僚案人咸稱之

楊士廉洛陽人由舉人歷任臨洮知府開河州水利清沿邊軍餉洮民至今思之

陳纘宗石首人萬曆三十二年任臨洮司李性至孝嘗以廬墓失音遂有期期之患及蒞任職雖典刑惟以講學課士爲務常念俸薄不能館諸生乃裁汰冗役以取給焉其公署一如書舍蕭然若無仕宦之情者後致仕歸

唐懋德字世修雲南晉甯人萬曆閒左遷臨洮郡丞天資瀟灑恢擴好施善大書有登高作賦才時洮士無肄業地懋德蒞政之始卽闢儒學舊基募工修葺俾絃誦有所復立社學以廣其教貧民不能養生送死者多施衣米給棺槨焉尋以憂去郡人立祠祀之焦相隴州人由歲貢任靖遠訓導循循雅愛秩秩課程遊其門者如霑春風化雨後以丁艱歸

甘肅新通志

卷五十九

職官志

循卓上

四

方孟英靜甯州人官狄道教諭正直有古人風

只好仁內邱舉人由諸城令左遷臨洮府教授絕口不言束脩而談經課藝寒暑弗懈士林有餘思焉

趙炯北直隸隆平舉人天啟初知金縣秉性剛毅治政嚴明不畏權勢省驛遞之累修葺學宮廣勵人文後陞刑部主事恤刑全陝冤囚盡釋邑人爲立遺愛祠

鍾萬璋乳源人崇禎九年任臨洮同知時屯田多冒濫萬璋親履清查悉除其弊市有門攤稅百餘金貧民恆以爲苦萬璋力請豁之

褚泰珍崇禎十三年知狄道縣事 文廟舊址在縣治西萬曆中或於風水併入府學狄道無學宮者十餘年泰珍出俸建置一如

舊制

薛一鶚字百當直隸定興人由貢生爲黃州通判崇禎時遷蘭州知州州北有田沒於番吏派其賦於他戶後田復歸爲衛卒所據而民出賦三十年一鶚核除其害

馬希周崇禎時以舉人官臨洮府監收同知倜儻有治才餉儲出納悉心籌計雖凋敝之餘未嘗告匱河州馬政多弊番人病之希周革陋例去冗費應者如響公私俱便御史薦之

國朝王國華滿洲正白旗監生康熙四十三年任蘭州知州釐剔奸弊有絲毫累民者悉爲蠲除嘗革表箋奏銷雜項或曰居積行送公何以支國華曰甯病於官無病於民卒革之

楊士璣江蘇婁縣進士官蘭州知府乾隆四十六年撒拉回變總督委士璣及副將新柱往循化查辦逆回旣害新柱於白莊聞士璣在起臺堡遂圍之時堡中兵僅百餘人城陷士璣端坐逆首蘇

甘肅新通志

卷五十九

職官志 循卓上

五

四十三入見猶跪其黨譁曰今已反矣何拜爲士璣大罵逆黨遂刺殺之其時守備徐彥登外委陳伏得及珍珠族土司韓成璘皆遇害隨行書役等死者十餘人

奇 明字乙照滿洲鑲白旗舉人乾隆三十五年任皋蘭縣知縣歲大旱爲粥食餓者吏惜薪雜石灰煮粥食者或死輒以疫癘爲辭奇明廉知其弊重杖吏躬宿廠中檢閱薪米每釜粥熟必親嘗之病者施以醫藥積數月不懈活饑民萬數民生祠之

康基淵字靜溪山西興縣進士乾隆三十八年任皋蘭縣知縣愛民重士後遷蘭州知府邑舉人張鐸武邵榮清等以修學社餘銀百兩呈請發商生息爲鄉會試卷費基淵少之首捐四百金並募同寅之曾任縣事者王亶望蔣全迪奇明吳鼎新鄭陳善陸璋共助之得千五百金發商生息蘭之有興文社自此始士林感其德

附祀北山文昌宮歲時奉祀

朱爾漢順天大興人由吏員官靖遠典史乾隆四十九年鹽茶回田五等攻靖遠句城中回黨百三十人爲內應爾漢以計盡獲之超擢知縣五十三年調任皋蘭東關民巨姓者賣菜傭也婦有殊色與里人子私事頗洩婦使里人子誘巨至城外醉以酒土塞口死明日婦控人殺其夫而無主名爾漢臨驗睨婦色良久曰爾夫醉歸夜爲鬼狐迷耳何控官捕賊爲命具棺葬之密遣幹役匿婦居左右偵其事次夜將半里人子款婦門入役踰垣從之聞婦語曰非遇此好官我二人事殆矣役突出擒到案一鞫皆伏罪縣中驚爲神明後官至按察使

胡紀謨字息齋直隸通州舉人乾隆五十七年任皋蘭縣知縣興學校勸農桑冬月捐俸設粥廠施寒衣道路無餓殍尤勤於聽斷

甘肅新通志

卷五十九

職官志

循卓上

六

決疑獄多奇中民以神君頌之

黃 璟字梅村山西平定舉人道光十四年任皋蘭知縣捐俸建義學樹節孝坊聽訟不用鞭扑惟善言啟導嫗嫗如家人父子訟者率悔泣而止

徐 敬字信軒江西臨川監生道光二十一年權知皋蘭縣事勤於教養春耕貸農民麥種創建縣書院置經史定條約龍泉里塾久廢並修之書院則以地易右營參將廢署改建後數年前營游擊爭此知縣董平章移建於游署之西卽今皋蘭書院也敬所設膏火息銀本敷支給嗣因商請減息遂致缺額知縣李涓復捐廉發商以足之平章字琴虞福建閩縣人涓字鏡湖直隸滿城人俱進士敬署任未一年遽遷去蘭人作詩歌相送哀然成帙名德政頌復設位於書院上庭歲時祀之

托克清阿字凝如太原駐防正藍旗舉人咸豐八年署皋蘭知縣十一年再任善聽訟剖決如流歲旱徒步祈禱雨應時降貢馬井民流亡至城發倉粟賑之性尤愛士兩值賓興皆捐助卷費鎮遠橋據河津要船纜板楯尺寸皆有定程歲久弊生甚至以椽代板輪蹠往來恆失事道光中知縣嚴長宦捐俸易以寬厚新板至是二十餘年矣弊復如前會河漲橋斷奉檄重修較舊制益加恢闊過之者如衽席焉後遷秦州直隸州長宦字澹廬江西雩都進士亦有政聲

崔學敏字遜吾湖北人楊岳斌補鄖陽鎮時招之治水師從征江皖保知府嗣岳斌督甘以學敏總軍需局務同治五年三月初三日督標兵變攻入督署分撲軍需局掠粟與金學敏禦之遇害同時死難者兵部主事華錫三刑部七品小京官宋肇伊前署甯遠

甘肅新通志

卷五十九

職官志 循卓上

七

縣知縣楊埴候補知縣李植委署西和縣知縣盧樹芝候選知縣湖北城步縣教諭李兆奎候選教諭李郁文候選府經歷縣丞劉文綉縣丞梅琦巡檢周壽恩從九品諶守慈湖南長沙縣貢生陳名煜江西金谿縣附生張瑛監生李世冠世職周懋棟事 聞並優卹如例

李裕澤字問樵河南信陽進士光緒七年任皋蘭縣知縣爲政以興學校正人心爲先務邑中新舊義塾凡十區例設脩脯甚微主斯席者多衰庸充數裕澤請款生息豐其館穀創歲首考選之法設歲終殿最之條委紳士二人稽其勤惰而進退之學生能背誦所讀書者給錢獎勵焉朔望宣講 聖諭廣訓舊制也有黃冠某設講臺於藩署前欲藉以惑眾裕澤惡而斥逐之乃增講生爲二置講費定講規朔望在城餘日周歷四鄉環而聽者如堵後遷河

州知州卒

彭福孫字頌田江蘇長洲舉人由刑部主事改知縣選授秦安光緒十八年調署皋蘭知縣所至有政聲折獄平恕慈惠愛民值歲旱民以爲電桿所致聚眾拔毀大府怒急飭嚴拿數人誅以警眾福孫遺散之謂愚民無知不教而殺謂之虐終不忍置民於死以是幾爲大府所劾後調補武威得卓異尋陞補用知府旋告歸去之日百姓送者數十里不絕呼之曰彭青天丁未十月卒於家時年六十有二

姚世貞字仲容福建侯官人由優貢 朝考以知縣籤分甘肅署皋蘭縣事明斷有吏才光緒二十三年卒於任羣情惜之

蕭承恩字錫三湖北安陸人由監生投効楚軍歷保知縣署皋蘭縣事嚴緝匪類獲則重懲之盜賊棍徒俱爲潛跡閭閻以安每日

甘肅新通志

卷五十九

職官志 循卓

八

戾回署端坐堂皇判詞訟曲直與眾共之無懷老吏斷獄也時論翕然

冒 藻字蘭仲江蘇通州人由議敘任金縣典史咸豐二年遷皋蘭紅水縣丞廉潔自持署中陋規裁革殆盡四年奉檄勸捐兵糧解省外餘二百數十石或請充本署公費藻不從建寬山書院士民感服卒後位於書院後室而祀之何黑番寇掠北山縣丞所駐寬溝堡小而且陋不足以資保聚藻捐俸改築規模較舊壯闊十倍並修姜家侯家二墩及舊堡數處建礮樓二十二座製戎器練團勇復以堅壁清野諸法刊印成書散布民間勸令各修村堡於是寇不敢逼同治三年逆回薄寬溝旋復奔遁時藻沒已再期矣守陴者猶彷彿見藻戎服指揮云

沈紹裕浙江山陰監生同治三年代理紅水縣丞駐寬溝堡四年

陝回馬士彥海大白楊文治等竄至白墩子逆黨約二萬有奇分掠紅水永泰鎮虜等堡五年十月進攻寬溝寬溝舊未設兵紹裕率士民誓死守堡乃賊百道並進力不支堡陷或勸其逃紹裕曰城亡與亡分也何以逃爲遂死之

郭世傑陝西朝邑監生同治五年署紅水縣丞素有膽勇練民團往來擊賊七年九月賊復圍寬溝世傑方抱疾率民勇竭力拒守賊攻東門擊退之攻北門又擊退之會南門賊已登堡世傑反身迎鬪北門賊乘機亦登世傑前後受敵手刺殺十餘人矛折而死李錦芳字心齋河南固始舉人由大挑來甘權金縣事躬親庶務案無積牘值歲科縣試及月課生童衡文造士尤加意焉歷署鎮番成縣所至皆有政聲道光甲辰夏五錦芳奉檄來勘地畝適榆中久不雨因禱於馬銜山之金龍池薄暮雨至從者請避之錦芳

甘肅新通志

卷五十九

職官志 循卓上

九

曰求雨得雨何避爲須臾烈風雷雨山水陡發遂與從人唐漢等俱溺死之大府 奏請廕贈邑人立祠祀之

蔡 同陝西人任金縣知縣值回亂狄河二州相繼失陷金邑與接壤賊時至同治三年十月二十四日賊千餘騎撲城南新營鎮二十七日夜賊眾登城把總牛文海經制彭維邦陣亡同身受六創死其母與弟並殉難事 聞旌卹如例

劉述寬陝西長安人官金縣典史嘗督鄉勇助剿先後悍賊數百人賊恨甚同治三年十月賊眾攻城語守陴者曰若生縛劉捕廳予我免攻爾城述寬聞之謂士民曰賊來非讐百姓也欲得我而甘心耳盍殺我紓患士民嗚咽不能言越二日夜述寬方巡城見賊勢潮湧度不可支亟歸署厝薪室旁俄礮聲雷震述寬厲聲曰城陷矣先殺其兒女繼促其妻與其姪仰藥死遂取鈴記懸肘北

面再拜曰臣奉職無狀不能殺賊惟一死以明志拜畢舉火坐廳上引佩劍自刎其妻母及其嫂與僕婢等俱赴火死賊於火光中見述寬左繫鈴右握劍如赴敵狀皆駭愕羅拜去事 闡均優卹如例

劉恕田陝西三原人候補典史同治四年正月署金縣典史時逆回圍攻金縣恕田挈眷之任行抵縣屬之買子堡偵知縣城被圍寄妻子於堡單騎馳入城未解鞍卽奉縣令趙國棟檄催調買子堡練勇恕田甫至堡忽賊眾瀟集恕田率民團出擊以眾寡不敵勇潰堡遂陷恕田扃妻子於室火焚之復挺身迎戰力竭被執賊支解之死事 闡優卹如例

李道昌字匪莪山東海豐人順治丙戌進士官河南道御史以言事謫臨洮府經歷踵明楊繼盛遺蹟集諸生於傳習堂講學課藝

甘肅新通志

卷五十九

職官志

循卓上

十

士多景從精草書尤善音律有秋興諸作遺於洮

岳峻極字于天山西澤州進士順治七年任臨洮府推官性和雅不爲崖岸而洩治精察於刑獄多所平反境內無冤民重修學宮愛養士子政聲丕著擢工部主事瀕行士民攀轅遮道有泣下者程之璿長治人官生順治八年知臨洮府德性溫沖愛民禮士次年有征蜀之役郡屬輓粟給軍民甚患之璿力請罷免後陞大名道

黃雲史康熙二年任臨洮府同知先是臨衛屯籍隸狄道民散賦虛至是歸隸總捕雲史寬租招墾以復屯賦屯民歸業者半許重華字松牖河南太康進士康熙五年知臨洮府事時兵亂甫定民多流亡塞頭關通吏胥寄甲欺隱飛詭百出民不能堪重華請於大府力爲清釐並分道招集民得安業者萬三千五百人自

他方還者千七百有奇田之荒者復闢新墾者三倍之初涖任卽
值歲祲捐金煮粥活數千人次年復饑乃請發帑賑濟全活數萬
暇則課士於超然書院人漸向學後守郡之賢者莫不遵其遺法
云

陳景仁浙江山陰人康熙九年以庶吉士簡守臨洮重文學勤訓
課士風爲之丕振其涖民察利病均賦役息訟禦災時推治行第
一卒於任郡人立碑頌德

祖業宏奉天漢軍正黃旗人康熙三十二年守臨洮時番漢雜處
多桀驁不馴業宏治尙嚴明良善以安有巡撫親故販棉葛至狄
道囑守令轉售民間業宏曰吾爲民牧不能以上官故而重累吾
民將執以白大府其人懼而遁他如恤民隱剔奸弊利溥闡郡洮
人至今祀之

甘肅新通志

卷五十九

職官志

循卓

十一

韓彭年涇陽舉人康熙閒任靖遠教授尙氣節不屑錙銖衡文有
特識卒於官羣子弟圖像爲文以祭之

李如璐新安人雍正三年由兵部郎中任臨洮府知府教士撫民
一以古人爲法嘗建椒山祠於城內復修築河隄工未竣會陞神
木道去郡人至今思之

郭士侓貴州人乾隆元年爲狄道令嘗濬西北鄉水渠數道今爲
大利惟南鄉抹邦河渠工未成而士侓罷去人皆惜之

呼延華國字炳文陝西長安進士乾隆二十六年知狄道州居官
廉勤每於公餘之暇課農訓士直欲追蹤椒山聘邑紳吳鎮創修
州志體例明晰詞筆謹嚴當時稱爲隴右名志

王寬江蘇金匱進士乾隆四十六年知狄道州事催課不差胥
役民亦無逋賦者

俞進齡順天大興廩貢生道光十九年知狄道州清廉愛民振興學校州民祀之報德祠

王林桂字詵一伏羌舉人咸豐九年選授狄道州學正以躬行率生徒同治初陝回變踰隴阪煽甘回狄河回族尤夥林桂數言於知州房廷華請預爲備明年署州牧屠旭初至以防務任之林桂心力交瘁鬚髮驟白其長子燮在籍寓書勸歸林桂責以大義誓與城共存亡六月逆氛逼城下城回謀應賊林桂率文武生徒同屠旭初及都司陸陞等殲內奸數百人餘皆縋遁未幾遁回圖復仇引羣賊圍攻城中糧盡守陴皆餒二年八月城陷賊入學署有識之者曰是好官也戒勿傷且勸遠避林桂叱之執薪焚寢室令妻賈氏子婦黃氏及四子烜烜妻趙氏孫纘基孫女三先赴火已乃朝服躍入皆焚焉三子烜方臥病力疾起伏父身以死事 聞

林桂贈國子監助教餘旌卹如例少子所爲賊所擄後逸歸燮中光緒乙亥舉人官涇州學正

屠旭初字海山浙江會稽人由宗人府供事納貲得府經歷發甘補涼州府經歷尋陞知縣補西甯令同治元年河州回叛東渡洮河擾狄道知州房廷華戰不利撤任以旭初代之是時徧州境皆賊難民避入城河州民近狄道者亦踵至苦乏食而城回復謀變旭初偵知密與署都司陸陞團紳張葆齡等殲之賊糾黨十餘萬圍城聲音報仇旭初知不敵飛書乞援凡十二上時因賊阻兵久不至二年八月二十七日旭初守南門賊突登城戰不勝死之慕友楊友隆等從死城上紳民婦孺十數萬人皆被戕陞及葆齡自焚死事 聞旭初贈同知銜優卹如例

英 裕內務府正白旗人候補典史同治元年署狄道吏目時狄

河回亂州城岌岌英裕隨長官晝夜巡守二年八月城陷賊入署
縱獄囚英裕率役死拒罹重創猶手刃一悍賊而死事 聞優卹
如例

喻光容字仙橋湖南甯鄉人光緒元年知狄道州時甫經回亂瘡
痍未復光容始建修州署設四鄉義塾聘師教之又捐修 文廟
辦理善後事宜民賴以安

唐傳柄湖南湘鄉人光緒十二年知狄道州時離亂未久四鄉劫
案層見叠出卽城市閒亦多被偷竊傳柄蒞任後訪拿回匪首要
馬老五等多名依法懲辦民賴以安洮水久爲患傳柄藉防勇力
以石籠數百堵禦並未累及士民甫年餘卽棄官歸里時大府皆
楚人楚材方盛而傳柄獨能急流勇退方古名宦殆無以過

喻炎丙字健秋湖南湘鄉舉人光緒十五年知狄道州捐廉俸以
整興書院親課士子文風大振復倡捐千金督修洮河堤岸至一
百二十餘丈木患少息百姓便之回日馬維翰偷修拱拜炎丙重
申左宗棠舊案詳院勒石以遏亂萌卓著政聲羣黎感頌

甘肅新通志

卷五十九

職官志 循卓上

三

黃 燾字子壽湖南湘鄉人光緒二十年權狄道州時連歲荒歉
民多逃亡燾至見城堞傾圮慨捐廉俸招集流民繕治之數月工
蕪適循化回變燾卽修槍械製火藥編土勇請援軍終日孜孜無
少懈焉會賊圍河州謀陷狄久不得逞陰結獄中罪囚爲內應二
十一年五月七日賊大至勢張甚燾從容整隊出陳於浮橋東
至日中天暴熱賊渴爭飲於河我軍乘之賊大亂掩擊淹斃過半
乃退屯河西燾日夜登城親督紳民嚴密防守狄城賴以保全旋
以母憂去官民焚香泣送爲勒去思碑於道服除補皋蘭知縣以
勞致疾卒於官子瑞淵復以知縣官甘肅

廖葆泰字寅階雲南石屏人由廩生保從九有膽略喜談兵光緒二十一年署狄道吏目時值回亂圍城葆泰奉飭招募葆字馬隊相機剿賊並率敢死罪犯多名住西城頭晝夜梭巡與紳民共甘苦城中回徒勾叛賊潛謀內應葆泰覺察之伏勇士力擒梟首遂絕賊援大府論防守功由捐州同游保補授靈州知州

俞連字商陳浙江蕭山人任靖遠經歷平易近人尊禮學校設糜子灘水地學田二十畝陞三原知縣

金其蘭湖廣茶陵人由教習任靖遠知縣作養學校嚴立課程親定甲乙文風由此丕振

陳政江西崇仁選貢知靖遠縣蒞任十載歲和年豐論者以爲仁政所感云

陳稔江蘇長洲選貢任靖遠知縣學問淵博地方政事悉心整理惜未久去任

甘肅新通志

卷五十九

職官志 循卓上

古

楊棻字鐵松江南桐城進士知靖遠縣居官嚴正捐修學宮遠近咸仰慕焉

冷文煒山東膠州副貢任靖遠知縣惠愛羣黎仁政時聞

宋學純字對山漢軍鑲紅旗舉人知靖遠縣慈祥愷悌居則民樂去則民思至今口碑猶載道焉

那禮善字在亭滿洲鑲白旗人知靖遠縣廉明清正弭盜安民捐修河工建立黑城橋梁行商便之

程棟字柱臣河南湯陰舉人知靖遠縣作養學校子惠羣黎乾隆三十七年改建縣署

彭永和江西高安舉人乾隆四十五年任靖遠縣倡捐廉俸創修敷文書院共建齋舍五十八間鋪店百餘間質肆一所又查出城

壕水車地四十餘畝旱地六段歲收其入以贍師生束脩膏火
黃家駒江西奉新舉人乾隆四十八年任靖遠知縣時田五作亂
用典史朱爾漢計拿獲內應回民賊眾解散城賴以全

王賜均字壹齋陝西神木舉人乾隆五十二年知靖遠縣捐購東
市棧房一處收租以充書院膏火士林頌之

汪 鳴江蕪上元舉人乾隆五十四年署靖遠縣廉明有威吏民
畏服風俗爲之一變

楊懋德順天大興舉人乾隆中嘗再任靖遠縣事作養人材優禮
士子

方聯聚順天大興舉人嘉慶三年知靖遠縣政事勤慎培植文風
周鼎新福建侯官拔貢嘉慶八年知靖遠縣時因會甯等縣請改
驛路於靖鼎新軫念民力維艱山多崎嶇諸多不便申請大府疏

甘肅新通志

卷五十九

職官志

循卓上

五

奏始得免

王保澄浙江錢塘人嘉慶十三年任靖遠縣捐俸重建書院創修
廣育義塾於南關斷歸學田一處復捐修養濟院於西關外政簡
刑清課士勸農至今闔邑咸思慕焉

佛尼勒滿洲正藍旗舉人嘉慶十四年知靖遠縣廉能公正免各
商舊支諸貨陋規誌德勒石於武廟

李純和直隸清苑舉人嘉慶十五年知靖遠縣值歲旱且疫居民
逃徙流移死傷甚眾純和請帑賑恤多所全活又設粥廠散氈衣
施棺木厯著善政邑人德之

王 挺字搢方陝西南鄭進士選庶吉士散館授知縣分發甘肅
嘉慶十七年任靖遠縣有吏才長於聽斷前後兩涖茲土政聲卓
著邑人至今猶稱道弗衰云

永 銓滿洲鑲黃旗舉人道光二年知靖遠縣謙和待士仁慈撫民勸捐義糧並捐貲創修試院築社稷先農各壇每逢亢陽禱雨輒應民大悅

羅仲玉江西德化進士道光九年知靖遠縣振興學校以公款二百餘金歸入書院備充膏火課試生童捐貲獎勵並捐款重修聖廟壇垣

陳之驥江蘇上元進士道光十年知靖遠縣勤慎廉明加意興學以水溝官荒田地撥歸書院備充膏火每課捐貲獎勵諸生文風大振至其籌辦轉運車輛捐修城外河泮毫不累民民甚德之那遜阿古拉蒙古人道光十六年知靖遠縣慈惠愛民至今稱之蔣立鼇湖北天門舉人道光時知靖遠縣建書院並三臺閣以佑斯文修先農社稷各壇以重農祥禱雨輒應

甘肅新通志

卷五十九

職官志

循卓上

六

蕭國本順天大興監生道光二十年任靖遠縣捐修城垣河隄暨青雲書院及元戎甲第各坊以餘款三百緡發商生息作士子鄉會之貲每月課士益膏火以獎士類法令嚴明豪蠹斂跡吏畏民懷尋陞秦州直隸州

李懷庚陝西朝邑進士道光時知靖遠縣重文教建倉廩補葺城垣重修 聖廟儒學 一律整齊每歲徵收錢糧令民依限完納毫不累民又嘗勸捐鉅款發商生息以作歲修河工及童試卷價諸生鄉會之貲他如設粥廠給氈衣督修河隄查墾荒田事立辦而民不擾閭閻至今感頌又詳大吏

金 麟字瑞生陝西長安人初爲山西知縣同治初隨提督曹克忠剿回來甘軍中乏食委麟赴靖之北鄉購糧爲賊所阻五年三月靖城陷百姓留麟禦賊麟率鄉團伏於要路待賊至突出大殺

之斬首百餘級生擒數十賊獲軍械馬匹甚多由是威聲大震士氣益張北鄉難民賴以保全會邑紳公議以麟權靖遠縣事請於大府允之麟卽接篆與諸紳籌餉練兵亟圖規復六年元日始克靖城越三日賊復來攻麟相機追斬之賊遠竄四境遂平事 聞麟擢直隸州去任時老幼數百人送於祖厲河無不垂淚因立再造烏蘭碑以誌不忘云

賈 善字楚卿滿洲正藍旗人光緒間知靖遠縣清廉端重人不敢于私其爲政專以清靜爲本不以察察爲能寬以治民而嚴於治盜在任七年天無災異民多蓋藏盜賊斂迹閭閻安堵

陳維新遼陽人由廩生順治八年任河州捐俸置學田尋陞西安知府

王全臣字仲山湖北鍾祥進士康熙四十一年任河州時河地糧

甘肅新通志

卷五十九

職官志

循卓上

七

畝不清民多苦累全臣按戶清查編立冊籍取里胥所執舊簿焚之革除雜派刊單給民使各自知應納之數請禁土司番僧霸丁占地派幫中馬之弊以甦民困至興學校崇廟祀設津梁凡有益於民者無不具舉州人戴其德與游道亨張永淑同祀之

張永淑直隸滿城進士乾隆十一年任河州折獄嚴明十六七年歲連稔民有粟而無所易相謂熟荒永淑用古常平法歛之積貯充盈以備凶歉遺澤無窮

周 植字榮夫江蘇上元人嘗再署河州事首捐千金創立鳳陽書院乾隆四十六年回變城陷投水死

謝 桓浙江上虞人回變以通判奉檄往循化查辦會河州城陷知州周植死桓同西甯總兵貢楚克達爾追捕逆黨收復城池遂以桓權河州事賊平有慮回民復變欲盡剿之者桓力保無虞始

得免全活無算迨去肩輿出城回眾爭舁送焉

縱司燭江南蕭縣拔貢以河州州判署知州事供應軍需民不滋擾歲荒有攘奪者嚴治之懸瓦於衢俾訟者擊瓦聲訴立爲剖決民稱頌之

閻重鑑河南人以甯夏府通判署河州徵收無浮取民樂輸恐後嘉慶四年蜀匪竄入狄道之黃香溝百姓惶懼將議閉城重鑑力阻之陰爲設備而令民皆安業賊謀知其調度有方且地勢險阻有進無退遂引去

趙桂芳字小山陝西鳳翔進士兩任河州政績卓著兼習武略善使雙鎗咸豐九年東鄉巨盜馬阿卜都在甯河城假設客寓窩羣賊搶劫桂芳偵知毀其巢賊轉至洮州犯案捕甚急遂歸東鄉聚眾叛桂芳率兵役往剿賊負隅抗拒桂芳手銅鎚立斃數賊生擒

甘肅新通志

卷五十九

職官志

循卓上

六

阿卜都等七人梟示事乃已州人在甯河立生祠奉之

楊作霖河州吏目同治二年回匪圍城作霖倡議赴麻山治力各關招勇解圍行至中途聞河城陷卽帶勇駐紮景古城保護難民明年賊攻景古城作霖首先陷陣斬將奪旗正血戰時被賊礮擊腦而亡土人瘞其屍於山岡光緒甲辰其子春煦署狄道吏目省墓立碑記

張慎行清水舉人同治初任河州學正城陷慎行坐明倫堂罵賊死舉室五口殉難

平涼府

北魏孟

信廣川索盧人從孝武帝入關除趙平太守政尚寬和權

豪無犯

周于

義洛陽人閔帝初遷安武太守專崇教化不尚威刑風化大

洽

宋曹穎叔亳州譙人仁宗時通判義州韓琦文彥博交薦其才

金楊天德由進士為隆德令著風節淡於勢利晚讀大學解及伊洛諸書大嗜愛之常語人曰吾少時精力奪於課試殊不省有此今而後知吾道之傳為有在也及目昏廢讀猶使其子講誦朝夕聽之以是自樂有疾親朋視之談詠不衰曰吾晚年幸聞道吾無憾矣

商 衡曹州人辟威戎令興定三年歲饑民無所糴衡白行省開

甘肅新通志

卷五十九

職官志 循卓上

九

倉賑貸全活者甚眾地震城圯夏人乘釁入侵衡率舊部土豪守禦應敵得無虞秩滿縣人為之立生祠

元王 瓊華亭縣主簿有善政初至縣見廟學廢久慨然歎曰祀事不修是誰之咎瓊雖微職當仁不讓專之可也爰捐俸金修復完備置學田以供祀

孫 勉華亭縣尹興學勸農政聲流著

明元 善洪武時為靜甯州判官以善政超擢僉都御史

陳士信字敦誠直隸濬縣人洪武十三年以國子生任靜甯州勤於視事稱為能吏

葉 安監生直隸甯晉人洪武三十一年任華亭縣勤慎恤民

嚴 正字守直山西襄陵人由監生任靜甯州廉慎豈弟民咸戴

德

郭 增字士益直隸定州舉人天順三年任靜甯州潔清自治鼎
新 文廟城隍廟卒於官

李 端成化二十年任華亭縣有德政簡民三之一築城刻期而
成縣廨廟學壇祀倉廩次第更新次年大饑發倉賑之民賴以活
侯 明字子顯河南洛陽人以進士第宏治三年任靜甯州才具
明敏調知邠州尋陞兩淮運同

熊應周字載車榮昌人宏治五年由舉人知靜甯州蒞政有爲嘗
捐俸鑄造 文廟祭器以崇大典可謂知政本矣後以憂去服闋
補知秦州

陳 介字守巖四川中江人由舉人宏治七年任靜甯州克勤治
理得士民心

閻 重字固學山西絳州舉人宏治十三年任靜甯州六年考績

甘肅新通志

卷五十九

職官志

循卓上

三

遐邇掄揚

劉 滋字沛澤直隸滑縣舉人宏治十八年任靜甯州補廢修墜
政得大體

常 崧字鍾秀河南蘭陽人判靜甯州事廉潔自持士民懷慕

楊維昱四川新津人宏治中任華亭教諭通易好學教人以孝弟
忠信禮義廉恥爲先士林重之

張 志字持一直隸固安人正德八年由舉人知靜甯州治理嚴
肅民畏其威

朱 紳字大章山東費縣舉人嘉靖三年任靜甯州發奸摘伏百
廢俱興

王 鋒字發礪直隸涿鹿人由舉人嘉靖八年任靜甯州撫民如
子尋陞延安府同知

劉 琬字德義四川嘉定人嘉靖十二年由舉人知靜甯州事教民勤農敦本修廢舉墜創修東關懋績丕著後陞湖廣襄陽同知及去州人賦詩餞別攀轅不忍舍

賈 鎧直隸通州監生嘉靖十五年任華亭縣寬厚宜民
李必敷字達卿四川南充人有孝行嘉靖十五年由鄉舉知靜甯州廉潔自矢奉公守法涖任日曾撰誓文告於州城隍之神言言警竦刻石尙存

李時中字伯可山西平定舉人嘉靖十九年知靜甯州勇決有爲不搖於眾其遷學修城尤表表者

何楚鐘字聞遠湖廣咸甯舉人嘉靖三十一年任靜甯州興學造士有教育之功

劉德芳字紹先遼東廣甯衛舉人嘉靖三十四年任靜甯州有冰

甘肅新通志

卷五十九

職官志 循卓上

三

王之操政合人心

焦紹恩字述祖河南靈寶廩監生嘉靖三十七年任靜甯州臨事果決明敏剛斷人咸稱之

楊 譽字廣美山西屯留人嘉靖四十三年由選貢知靜甯州痛瘼民隱敷政公平尋調甯海州

朱 文字華國直隸清苑人嘉靖四十四年由舉人知靜甯州政績顯著士民歌德

張世威字懷遠山西榆次人天性樸茂學思實踐由舉人知靜甯州以實心行實政嘉惠斯民口誦尸祝焉陞鞏昌府同知

陶光寵直隸固安人隆慶五年由舉人任隆德重修 文廟添設團兵撤站役助婚喪爲政得寬嚴之宜陞山東兗州府通判

王 冠字首選山西榆次舉人萬曆三年知靜甯州修築城垣利

濟斯民

陳 粟四川酆都舉人萬曆八年任隆德縣值歲饑勞心賑濟有裨荒政民甚德之陞雲南永甯府同知

賈汝軒字載道直隸成安舉人萬曆九年知靜甯州抑強暴救荒歉陞臨洮府同知

邢汝龍字伯驤四川銅梁恩貢生萬曆十三年知靜甯州慈惠簡易調知固原州

劉澤衍字子正河南洛陽舉人萬曆十四年知靜甯州有清操不避豪強尋調去

王三讓字圭卿四川雲陽舉人萬曆十九年知靜甯州臨事決斷陞慶陽府同知

潘汝愈字學師山西岢嵐舉人歷官有廉聲知靜甯時一聞邊警

甘肅新通志

卷五十九

職官志

循卓上

三

卽檄傳四境修洞堡嚴武備一切防禦事宜措置裕如寇至悉遁去

劉 默字元修直隸大名舉人萬曆二十五年知靜甯州治行卓越重修州志陞本府同知

馬九鼎字嶽立山西永和選貢性澹穆嗜學處事縝密萬曆二十九年判靜甯州事潔清自治平易得民護州篆二載口碑載道尋

陞蜀府審理

趙永志字貞一山西忻州舉人萬曆三十一年知靜甯州軫恤民隱招撫流亡

苗永春字育世直隸霸州舉人萬曆閒擢知靜甯州捐助倉儲疏通水利士民感德會入覲州人鐫石志愛後陞本府同知

程賡起字際良直隸通州舉人歷鞏昌府推官陞任靜甯州發奸

摘伏百姓乂安

裴文炳字蔚國河南宛州選貢知靜甯州政績懋著州人頌德
徐應麟字圖閣山西威遠衛拔貢知靜甯州有清操以憂去囊篋
中惟古書藥材而已

夏日祚字昌年江西德化舉人擢知靜甯州茹冰自潔時巡撫喬
某閱邊或謂曰官箴可否在是宜通以賄日祚笑應曰居官一日
是君之臣子民之父母何忍挖肉悅人以爲一身先容况行止有
命吾不敢違天邀榮遂爲喬劾去

賀來獻山西翼城舉人任靜甯州慷慨廉明士民愛戴

譚 啟字迪蒙四川人由進士歷官浙江道監察御史骨鯁有節
操不避權貴當事者嫉之謫靜甯判官凡政事有關教化風俗皆
力行之尋起復大理司評事

甘肅新通志

卷五十九

職官志

循卓上

三

閔世躍字奮漢浙江烏程選貢任靜甯州判公明廉慎尋陞山西
忻州同知

張廷松字柏臺江南人由鄉貢任靜甯州判撫字有法民德之陞
知雲南浪穹縣

王家麟字瑞世河南遂平拔貢爲靜甯州判慈惠恤民陞四川同
仁令

陳治績字樹德江南人由恩貢任靜甯州判嚴於取予有廉聲
杜于蕃四川富順拔貢任靜甯州判一載有政聲歷署華亭崇信
兩縣

黃 倫字正彝江西上高人任靜甯吏目贊政勤能

張思聰字聞德靜甯吏目有賢聲護州篆克勤民隱加意興除每
朔望告所行於城隍神遇早步行禱雨牒告民苦遂大雨士民咸

服其誠

董 祥字呈瑞山西人有膽識佐靜甯州時會流寇變凡防禦器械從容籌備及寇至守城乃與民約曰若見賊毋驚譁卽偪城下當以礮石擊之如遠方用弓矢毋擅離陣以搖眾心當是時賊屢至城下聞城中守備極嚴遂號曰石柱腳董鐵漢時護州篆乃平涼學博石國璋相與協謀也四載捍衛民皆知方城賴以全及去州人愛戀挽車刻石記績街衢孺子亦磨小碑百餘上鐫勤勞董公去思字

李 純字素修四川綿州舉人任靜甯學正嗜學善文士稱得師張 曙字旭旦遼東人由舉人任靜甯學正積學醇雅設教有方陞河南府教授

許高節字樹表河南長葛人任靜甯學正嚴介端方陞韓府教授

甘肅新通志

卷五十九

職官志

循卓上

三

董 綬字君紱萬泉都司人任靜甯學正誨士諳切人皆佩德

姚 誨字振世山東濰縣人任靜甯學正器宇端方教有科條陶鎔皆化

常 震字應谷河南蘭陽人任靜甯學正器宇端方訓迪諳備陞彰德府教授

張公德字溥惠山西靈石人任靜甯學正學識優長士人景仰

衛 鈺字國器山西曲沃人任靜甯學正温恭安詳教士無躁迫氣尋陞彰德府教授

周尙赤字正朱直隸人任靜甯學正德性沈潛教士不事浮華陞瀘州府教授

晏承恩字君賜四川夔州人任靜甯學正啟迪多士孜孜爲善陞順慶府教授

張 蘭字馥辰四川雙流人任靜甯訓導有文名教士多方陞荆
州府教授

嚴以密字績修四川綿州人任靜甯訓導學識富有善誘多士陞
禮縣教諭

張希元字志大陝西潼關人任靜甯訓導教士以大端士皆悅陞
神木教諭

費彥芳浙江崇德舉人崇禎六年授隆德知縣有政聲七年城陷
死之

蔣三捷遼東甯遠貢生崇禎七年任隆德知縣時羣盜大起城連
陷七次幾無孑遺三捷招流亡築城垣練民兵爲戰守具賊眾薄
城恃以無恐 國初陞苑馬寺卿

國朝崔國錦知平涼縣政多便民民立碑以頌其德

甘肅新通志

卷五十一

職官志 循卓上

三

余繼城道光初除平涼縣有惠政及去任民莫能忘

趙質彬知平涼縣事性果毅有斷迎事而決不少留滯民敬畏之
居歲餘豪強斂跡無敢犯者

王 失名道光中除平涼縣有平政於民民德之

張仁源字益泉陝西富平人咸豐初由附生入貲得照磨發甘肅
借補秦州吏目同治元年權平涼縣事時陝回竄至平涼平涼逆
回亦叛焚太平岨峪兩橋仁源敗之於是鑄大礮勸積粟以備不
虞二年二月逆酋率眾圍城仁源登陴固守布置嚴密八月十二
日地雷發城陷賊湧入仁源督團巷戰礮傷左乳回顧團勇曰爾
輩速逃勿顧我我死得所矣言訖賊至交解之全家殉難惟其長
子育松得生焉事 聞仁源贈知府家屬並卹如例

田壽均字杏柯河南人署平涼府知府同治二年二月逆賊數千

突由瓦亭趨郡城城外兵少疊爲賊破壽增登陴守賊設梯援登城擲榴石擊之賊匿遠呶度所在以火槍轟之賊奔竄越二日復糾大股至樵蘇絕軍飢疲乃飛書告急且乞糧無何使者爲賊執獲書知城中乏食攻益力壽增死守閱七月而援師終不至初地雷發城陷逆匪從煙霧中蜂擁上壽增撲抱一賊敵其耳血淋漓口吻聞賊怒剝壽增目斷手足亂刃叢下死江蘇增生宋沂湖南童生江德涵皆壽增約共巡城者至是與總兵呂元佐領雙英防禦百奎雅雅桑阿玉山驍騎校連輝都司戴洪玉段康順知縣梁順之郭襄樂正宣經歷陶秉珪祥麟縣丞陳得貞景蘭丁榮仁宋夢蘭鹽大使宋廷禎吏目張丙耀王者家典史張蘭昭丁友誼何鏐未入流周允桂巡檢崔世華典史李滋芸從九余宗孚皆全

甘肅新通志

卷五十九

職官志

循卓上

美

家殉難城中流寓官紳無慮八九十戶竟無一人降賊者事聞壽增追贈道員同城殉難文武均議卹如例

張如林鎮原人在平涼縣教諭能以條理約束諸生尋權平涼府教授

陳日新同治七年權平涼縣時城已失陷三次瘡痍未復日新日擊時艱招撫流亡悉心籌畫未幾以病去

王啟春安徽婺源人同治八年知平涼縣時值回氛稍靖啟春招集安撫措置裕如百姓稱之

龍惠昌湖南湘陰人知平涼縣撫恤流民散給牛種農器以蘇民困民便之

張潤宇康民江蘇人初任隆德繼知平涼縣所在皆有治績民到於今稱之

莫沛霖隴西舉人任平涼教諭善屬文勤於教士視諸生如子弟每與講論輒娓娓動人終日不倦在官十餘年如一日尋擢甘州府教授卒於官士林至今思之

唐受桐字潯舫湖南湘潭人歷官知縣所至有聲光緒十六年除平涼令初至問民疾苦捐俸千餘緡整興學校培植士林暇輒就諸生講論經史指示書法以故寒士多所造就且御民以寬治盜極嚴涖任數載境內肅然

陳 珣漢軍旗人康熙四十八年除華亭縣政無冤民黎民懷之卓鳳詔惠州舉人雍正六年除華亭縣政不累民咸稱廉能焉

張永淑直隸保定進士乾隆三年除華亭縣廉不累民陞甯夏去甘珠爾蒙古舉人乾隆二十二年知華亭重修 廟學除暴安良撫綏得宜士民德之又以瓦亭距城二百餘里歲時供應民力不

甘肅新通志

卷五十九

職官志

循卓上

三

勝其苦珠爾請於大吏併入固原旋徙十三堡之民屬華亭民到於今受其賜

張漢芳山西平定進士乾隆三十年爲華亭令重修城池創建書院延師訓課捐俸二百餘金以資膏火士林頌德

徐朗元直隸宛平舉人乾隆三十四年除華亭縣廉明有才人咸稱之

黎建三廣西舉人乾隆四十七年知華亭縣人稱聽訟明敏以憂去

海 柱滿洲人乾隆四十九年知華亭縣廉明寬惠會逆回作亂海柱親率士民登城嚴守每日給賞甚得人心逆回夜偵見城上武備甚嚴不敢侵犯迨官兵至而城中安堵如故邑人歌功頌德未幾以病卒百姓道祭百里不絕因爲立祠祀之

嵇承裕江蘇無錫人乾隆五十九年以平涼府經歷權華亭縣廉明簡易士民宜之

張衍福字曼臣山東海豐人舉道光己酉順天鄉試以知縣發甘肅歷署金縣甯遠正甯等縣爲政務簡易事理而民不擾咸豐十一年授華亭縣令同治元年八月陝回竄至邑回應之衍福率弁勇獵戶在安口窩與逆戰挫其鋒平郡陷賊益張乘勝圍華邑固原南入城崇信神峪河各回匪均來助城益孤六年四月初七日賊大隊集城下城中練勇僅百餘衍福率以死守初八日黎明賊愈眾練勇潰城遂陷衍福知不免公服坐堂皇賊逼近憤罵不已及於難其同時殉節者衍福妻弟李錫朋及孫文騏皆死事 聞均卹廕如例

張 璋字大器順天大興人以國子生任靜甯州寬嚴合矩士民愛戴

甘肅新通志

卷五十九

職官志

循卓上

三

高自輝字心齋浙江山陰人順治閒任靜甯州判撫育難民痼瘵念切善詩歌有文集

張國祥字世瑞盛京人由監生任靜甯州判剖決如流儼若老吏待紳士尤得體

劉 瑞字玉衡遼東廣甯人應選舉策議合式授汝陽令擢知靜甯州廉直剛果心迹坦白每以一二言決訟人心折服會地震城堞悉平鳩工調役刻期告竣亢旱虔謁步禱輒應時大雨尋陞懷慶府去

宋大才浙江人康熙十四年任靜甯州寬厚老成民德之

余德馨字玉蒼福建連江人任靜甯州判儉以自奉寬以御民去之日囊篋蕭然

余天茂字育元福建福清人由鄉貢任靜甯州判政簡民便公餘嘯詠有文名

丁贊育字參三直隸雞澤人由拔貢任靜甯州判政績攸著擢知江油縣

駱起明字良善浙江諸暨舉人由雞邱合謫任靜甯州判端靜白持爲姚江之學日以文章與州士相勉一時出其門者甚眾

陸錦字晉侯浙江會稽人纂修實錄議敘判靜甯州事爲人廉靜寬厚安定監之初隸也屬草創頗難治委錦涖之催科撫字兩得其善王輔臣叛時有以大逆謀剿州者錦以百口保之其陰德至今在人曰不忘陸公也

汪宏鑾鳳翔人康熙十九年由歲貢任靜甯訓導立社課士有造後學

甘肅新通志

卷五十九

職官志 循卓上

无

田惟堯字鳧封江蘇揚州舉人康熙二十四年知靜甯州性慈祥才敏捷而遇事惟謹其待士也以禮其馭下也以恩蓋七年間盜弭訟息而羣黎徧德矣嗣以軍功題陞平涼府知府

董守義字喻之鑲白旗廕監生康熙三十年知靜甯州甫下車重修廟學不惜千金創蜡祠造石橋於南河增置倉廩補葺六房建置式廓興廢補墜捐俸不貲併裁革地方過往供應表牋積陋洎安定監油芻之稅四十三年報陞松江同知未赴任以疾卒民咸感頌建祠奉祀祠宇猶存

丁克成字曉公奉天廣甯監生康熙四十三年任靜甯州性慈祥工吟詠廉潔自矢承前任裁革之後復裁陋規火耗七載賠累巨萬以虧空解任士民念之

陳瑞璘字朝祥浙江紹興人由部曹從事任靜甯州吏目頗稱勤

能陞慶陽府經歷

黃廷鈺字二如一字澹園奉天副榜康熙五十年任靜甯州次年值歲饑廷鈺卽請賑貸稽核戶口毫無遺漏數百里均霑實惠會西土軍興採購馬贏公平給價毫不累民稍暇則創建書院月爲二會而嚴課之文風丕變旋卽有奪幟者每賓興必給資公車餽贖多士其於社稷風雲雷雨各壇皆周築門垣封土爲壇樹木爲主東郊演武廳久頽廢亦重行創建又築興隴渠並水洛城渠皆廷鈺自行捐俸先後爲之至如纂修州志重刊黎棗尤有裨於斯文丁外艱將行士民攀轅流涕徒步送百里外不忍別

朱照乘字內光臨潼舉人康熙五十五年任靜甯學正天性鯁直不趨權貴擔當有爲捐粥課士不爽歲月五十七年地震 學宮傾圮照乘捐資設法躬督補葺嗣陞鳳翔府教授

甘肅新通志

卷五十九

職官志

循卓上

三

錢 宏字元度江蘇常熟監生康熙五十五年任靜甯吏目情性平和佐治勤能五十九年歲饑宏適奉檄過西安謁總督直陳災歉狀並爲民請命遂得蠲免民感頌之

李友郭字仲山綏德人由副榜任靜甯學正性敏悟少與兄御史友梅齊名攝州篆擔當有爲士民感戴

劉 選西安富平舉人任靜甯學正好學守職不愧師儒

朱維哲字葆光西安臨潼人由舉人任靜甯學正老成宿學多士矜式

王元掄西安臨潼舉人任靜甯學正循循雅飭修學有功

王 奎直隸清苑進士雍正十年知靜甯州情性樸直外嚴內慈勤於造士乾隆元年亢旱奎率士民祈雨於百里外之神湫省視田禾對民涕泣歸時卽得大雨民感念不忘二年卒於官

楊國瓚字中黃山西聞喜進士乾隆三年任靜甯州請帑修理衙署捐俸重修三將軍祠並東城北樓及境內舊敝牌坊俱煥然一新課士賓興皆有厚贈七年擢階州直隸州

伍葆光乾隆間知靜甯州多善政士民頌之

邵麟德乾隆間任靜甯學正品行端方學問深遠四十九年回匪之變麟德登陴固守夙夜匪懈紳民感戴至今弗忘

王賜均字壹齋陝西神木舉人乾隆末知靜甯州興利除弊教養兼施履任之次年卽捐廉七白金購園於州治之東名曰亦樂園廣開學舍培植英才後更名亦樂書院復捐俸千緡增設膏火月課生童文風丕振紳民感其德意建祠以祀之

甘肅新通志

卷五十九

職官志

循卓上

三

當卽投篆去矣上官聞遽見之在任六年教士如家塾懲劣勸良士悅之諸生李充實者爲兄所訟本詞直鳳至反責之生意不服鳳至曰瞽瞍不底豫誰之罪也生痛哭認過卽受業學署鳳至以其貧時給衣食值科試並給資斧亡何是生果獲售庚寅西地不靖鳳至往來送餉跋山涉水不避風霜督師楊某以其功欲舉卓異鳳至不願推軍功僅加一級事平遂告歸

張若齡字介柳浙江舉人咸豐初知靜甯州尊賢重士慈惠愛民民有羅大辟者若齡終日憂思寢食俱廢邑人咸以慈母稱之後去任移寓平涼因郡城失守全家殉難

趙桂芳陝西鳳翔進士咸豐中知靜甯州有儒風無宦氣爲政則折獄嚴明抑強扶弱人敬憚之稍暇卽親詣書院與諸生講論經史款款曲曲無異生徒去之日士民攀轅送者絡繹不絕

容 恬同治初知靜甯州甫蒞任適逆回圍城人心惶恐恬日夜巡防設法保衛閱一載衣不解帶備極勤勞闔境生靈悉賴以全李光興浙江山陰人同治四年知靜甯州時師旅方興饑饉交加光興竭力守禦從容布置每勸富戶出粟以濟貧民民咸德之其子篤慶於光緒間復蒞斯任亦有政聲

余澤春字二田浙江遂安人同治十一年知靜甯州當兵燹之餘人心甫定澤春捐廉興學重修阿陽書院延師課士文風漸振士民愛戴爲附祠以祀之

程履豐字芑田安徽婺源優貢光緒元年由秦安縣擢知靜甯州清慎廉明躬親庶務實心實政頗得民心其政績如興學校墾荒田裁陋規修廟宇醫治民疾培植士林尤其表表者後陞涇州直隸州百姓焚香跪送泣不忍別

甘肅新通志

卷五十九

職官志

循卓上

三

王 長字鴻齋陝西三原舉人光緒己亥權知靜甯州治宗簡易不惜重貲整頓阿陽書院講舍煥然一新重訂學規厚其膏獎嘉惠士林至今猶感念之

涂文光咸豐初由進士知隆德縣爲治寬嚴並濟時有刀匪搶劫擾害居民文光申請會同營汛悉數拏獲斬首梟示民賴以安

呂際韶陝西咸甯人咸豐五年知隆德縣治尚簡明值歲旱親往壇廟禱雨備極虔誠雨亦隨至民皆德之

蘇文炳四川進士咸豐八年爲隆德令性慈祥愛民如子至今民猶思之

宋繼昌江蘇人同治三年任隆德縣時逆回叛亂又值歲饑繼昌雖極力守禦無如兵民交困勢不易爲五年四月城陷繼昌死之事 聞旌卹如例

周其俊湖南人同治九年任隆德縣時值回氛未靖城民無多其俊率勇出城遇賊被害事 聞旌卹如例

阮嘉言江蘇舉人同治十一年任隆德縣時值亂離之後城池荒蕪嘉言安集流氓氓籌款興修壇廟以奉祭祀歷歷善政甚洽民心李建枝貴州松桃舉人光緒五年任隆德縣政尙仁恕聽斷詳明民德之

王季寅同治八年任莊浪縣丞勤政愛民辦城防捕餘匪課試生童必親自校閱又查出叛田一千餘畝令民耕種納租請歸書院經費及文社賓興之用士民感之立德政碑

固原直隸州

北魏王 諧太原晉陽人爲原州刺史有治聲

五代王 殷大名人事母至孝以軍功累遷靈武馬軍都指揮使晉天福中授原州刺史在官多善政詳見平涼府名宦

宋范 祥字晉公三水人第進士慶曆時爲鎮戎軍通判請築劉瑋堡定川砦從之餘詳大吏

盧 鑑字正臣金陵人累舉不第授三班奉職遷右侍禁知渭州有善政詳見平涼府名宦

田 京滄州進士精厯算知兵法元昊入寇制官李仲容薦之召試中書擢鎮戎軍通判

安 俊字智周太原人以功遷內殿崇班厯知數州爲都虞候上御戎十三策授原州刺史又詳大吏

甘肅新通志

卷五十九

職官志 循卓上

十四

李之義滄州無棣人能爲文尤工尺牘從蘇軾於定州幕府厯樞密院編修官通判原州

章 竅字質夫建州浦城人知渭州時合熙河秦鳳環慶兵力築靈平砦餘詳大吏

高永年徽宗時爲鄯州刺史適夏人寇涇原與吐番合圍攻鎮戎略數萬口永年禦之行三十里爲夏人所執番酋都爾本謂其下曰此人奪我國使吾宗族漂落無處探其心肝食之竟不屈爲番酋所殺

金蕭 貢字真卿咸陽人好學不倦讀書論史大定中進士任鎮戎州判官擢監察御史以文學薦除翰林修撰遷國子監祭酒戶部尚書

明倪雲鴻直隸阜城舉人嘉靖二十八年任固原知州時延慶平固

沿邊一帶苦旱套虜亦乘間竊發餓莩盈野總督王以旂副使李
馨偕雲鴻步禱兩閱月弗應雲鴻每夜焚香自責忽聞空際人語
曰盍禱之東嶽山於是竭誠薰沐齋戒跣足而往越三日大雨如
注轉歉爲豐其被虜侵掠之戶悉發粟賑濟俾無失所一時以循
良稱之

劉棟直隸任邱進士嘉靖二十八年任固原監收同知因祈雨
有應捐廉助修東嶽山道立有遺碣

景登第山西安邑舉人萬厯初任固原知州在任十一載振興學
校凡民間聰穎子弟無力讀書者備選之專設義塾得受培植每
獲竊賊必多方勸導使莠者爲良治績稱最至其持已儉約尤有
古循吏風

徐昌會字際卿廣西臨桂舉人萬厯二十三年知固原州有文名

甘肅新通志

卷五十九

職官志

循卓上

三

長兵略治聲播於鄰郡在任興利除弊吏胥憚服創修州庫捐廉
爲之不擾不累公餘著握機橐籥四鎮邊防封關一丸河西囊括
諸書至於決獄嚴明尤有神君之頌

龔應祥遼東舉人萬厯中知固原州善治盜有幹濟才鄉民魏姓
兄弟爭訟積年不決應祥甫下車鞫之援古人孝友事實反覆勸
喻訟者皆泣下各引咎訟遂解復共爨焉由是治聲卓著

王汝爲山西河津舉人萬厯中知固原州廉潔自持好學重士嘗
召諸生於庭示以程朱宗派有龍門講學之致被教澤者稱濟濟
焉

儲至俊湖廣靖州拔貢萬厯中知固原州有政績

劉汝桂直隸昌黎舉人萬厯四十四年知固原州捐廉刊修州志

上下二卷

國朝遲士玉順治四年由進士選授固原知州在任時捐廉百金與都督李茂合力修理南關城武廟

潘雲程順治五年由舉人選授固原知州在任五年政績卓著捐廉修理白雲觀等處與都督李茂共襄盛舉

趙 楫陝西人順治五年在固原州學正善書能文有撰記碑銘爲邑人所傳誦

郭之培直隸任印進士順治九年授固原知州愛士恤民甄錄殉難節孝以振習俗

唐納欽廣西灌陽舉人康熙十五年由渭南令卓異陞授固原知州持心平恕民有愷悌之歌

吳季芳康熙三十一年由進士選授固原知州以東嶽山道路崎嶇與都督何傅捐廉率隊開鑿平整至今拾級來遊者咸稱利便

甘肅新通志

卷五十九

職官志 循卓上

三

胡昌國福建惠安廕生雍正八年由鹽茶同知兼知固原州以慈惠稱

賈聖檜河南例貢生乾隆十三年選授固原知州有政聲

郭昌泰湖北襄陽人乾隆三十八年選授固原知州在任時捐廉修理太白山祠民不爲擾

翟方震浙江錢塘人嘉慶五年知固原州捐廉創修城隍行宮十二年卓異加級

趙宜暄字霽園江西人嘉慶二十一年選授固原知州撫治八載與民相安能文善書士林重之

唐順祖字誦芬陝西渭南舉人嘉慶間任固原學正性至孝友愛士好學嘗召生徒課試捐廉爲膏火有學田數百畝久爲豪猾所據順祖逐一清釐收租以贍寒賸士林德之

鈕大紳浙江山陰舉人道光十五年選授固原知州旋以卓異加級二十年復任計先後在任十載籌建義學培植書院生徒濟濟大振文風至其聽訟如神民到於今稱之

琦 齡滿洲人道光二十四年選授固原知州吏畏民懷卓有政聲

孟星河皋蘭貢生道光二十九年任固原學正性極好學手不釋卷至持躬之謹飭尤足爲士民矜式

劉錫禹直隸通州人道光三十年權知固原州旋陞授爲政清平遺愛在民後其子湛官知縣權靈州殉於陣時人以父廉子忠稱之

托克清阿字凝如山西駐防滿洲正藍旗舉人以知縣分甘咸豐六年署固原知州日坐堂皇負者稱平一時有托青天之頌詳奏

甘肅新通志

卷五十九

職官志 循卓上

三

州名宦

賈元濤山東進士咸豐九年知固原州有幹濟才書役畏服其時回匪漸有蠢動潛行煽惑元濤因集城鄉漢民籌辦保甲團防悉合機宜回匪以逞謀不便而兵備道萬金鑪亦與之忤因解組而檄回籍馬維岳代其事自此匪燄鴉張致釀浩劫時人以元濤之去深惋惜焉

戴承恩浙江山陰人咸豐中任固原州吏目同治二年正月朔日承恩詣 慶祝宮行賀禮畢回逆忽由南門湧進猖獗殺掠承恩回署擬挺刃率役出禦乃朝衣未脫血捍猝攫被執不屈罵賊而死其子繼堂及其僕數人均被戕紳民哀之事 聞優卹如例

萬青雲浙江山陰人官太子寺州判同治二年以解組來固省親回匪既入城劫道署青雲帶丁役往救遇賊遂巷戰被戕其妾亦

自縊其父家詩佐固原州幕賊既陷城入州署覓官不得執家詩逼索州印及倉庫筭鑰家詩拍案痛詈聲震屋瓦賊怒舉刀斫之遂死其妻妾子女及婢皆罹於難

恆 善蒙古鑲白旗人官縣丞同治二年城陷時僑寓固原被戕而死其眷屬亦同殉節焉

蔣方直同治初任固原知州其時回氛徧野日瀕於危標兵又復空虛迨官軍抵境而城局已糜爛矣八年舉辦善後頗費經營黃元芳字仲馨四川廣元人同治七年攝平涼縣典史有循聲九年解任入旌善營帶兵官蘇如松戎幕守平遠預旺城居數月如松去馬柏森代領其眾留元芳贊文案適降酋馬天法復叛殺提督丁賢發伯森亦爲部眾謀害元芳督率將士數十人奮擊叛賊力竭爲亂矛所戕事 聞優卹如例

甘肅新通志

卷五十九

職官志

循卓上

三

廖溥明字曉東四川富順附生同治十一年授固原知州建修衙署辦理墾荒其撫輯招徠行政一以寬和爲本十三年陞知州爲直隸州新設海平兩縣硝河城州判安民劃界布置尤極周詳王 偉皋蘭舉人光緒五年任固原學正好學能文課士制藝以清真雅正爲法十年卒於官

裕 曾漢軍旗舉人光緒八年署固原直隸州行政一切不苛不擾當時多以廉平稱之至其採訪忠義表揚節孝亦振興風化之良規也

羅鎮嵩字穆倩湖南湘鄉附生光緒九年知固原直隸州在官數載訟理政成撫馭漢回亦寬嚴有法

俞鏡淵皋蘭舉人光緒十一年任固原學正訓迪維勤後進生徒至今猶能道之

李瀛字松舟湖南巴陵人光緒十六年署固原直隸知州籌修書院釐定文社章程政績卓然後以權務擬職士民惜之程敏達字穎齋安徽阜陽人光緒二十一年權知固原直隸州精於戰略足備邊防

蕭承恩字錫三湖北安陸人刺固原時天道亢旱斗粟值錢二千承恩詣各廟設壇禱雨不應步行東山西海取水供之朝夕焚香爲民請命仍不雨齋戒凡五閱月誠敬罕匹卒乏術以乞靈不得已乃具文城隍神曰願減蕭某壽若干勿貽害百姓越日乃大雨而已莫救其荒矣於是開倉平糶多設粥廠賑之心力交瘁未幾瓜代去清風兩袖士民送者爲之垂涕云

劉至順字讓木江蘇上海舉人歷官秦安張掖甯夏等縣卓著循聲光緒二十七年由山丹縣陞授固原直隸州未蒞任旋告歸居

甘肅新通志

卷五十九

職官志 循卓上

三

數年卒於里至其學問品行隴右士夫咸所欽仰今秦安縣猶有生祠在焉

胡枚安徽人咸豐間任鹽茶廳照磨同治二年回匪陷廳城殺同知枚與都司高如岡等率眾巷戰自辰至午賊多力竭悉死之事 聞優卹如例

莊裕崧四川人

忠義錄作江蘇元和人

同治元年以補用知府署鹽茶廳同

知廉慎自持優於政治二年正月逆回陷固原廳城戒嚴裕崧偕照磨胡枚登陴防守二月初賊力攻內奸啟西門賊長驅入裕崧率團丁巷戰力竭被執擁至禮拜寺遂遇害賊入署執其幕友四川舉人易舉索印舉堅拒不與亦死於難事 聞並蒙優卹

惠福鑲白旗人光緒二十年知海城縣事持身謹慎次年中日之役甘境兵多赴敵內地空虛逆回李倡法至謀倡亂旬結匪黨

於五月十七日夜突聚千餘人燬監獄焚衙署蜂擁入內惠福猝不及防遂遇害其幕友許茂梧及其僕孫喜皆罵賊不屈被戕事聞並蒙優卹

黃梅莊安徽人光緒元年任打拉池縣丞時值兵燹之後子遺之民漸次歸來辦理善後頗著勤勞

朱世楷廣西人光緒十三年任打拉池縣丞二十一年海城逆回作亂戕殺縣官勢甚猖獗世楷復任極力守禦地方賴以保全

化平直隸廳

國朝左壽崑字美齋湖南長沙人同治十年以候補知縣權化平直隸通判時值兵革之餘廳治新設壽崑創辦壹是爲守兼優安插回民生立保甲查戶口每丁授田十畝發給牛種農器以蘇民困而厚民生又設義學十二處延師訓課酌給書籍筆墨火食於是回民子弟始知嚮學在任四載興養立教除暴安良瘡痍小民深倚賴焉故至今歌頌弗衰

方傳穫字心農安徽桐城人光緒六七兩年署化平直隸通判廳城多安插之回民風氣囂張傳穫自六年冬蒞任聽斷明允寬嚴並用境內帖然又責成義學化導之文教漸興

張潤字康民江蘇人光緒八年任化平直隸通判政尙清簡折獄嚴明強暴畏威良善懷德

涇州直隸州

隋周羅暉潯陽人開皇中轉涇州刺史有能名

宋蔣 偕字齊賢鄭縣人仁宗時厯知涇州徙原州邊民苦屬戶爲
鈔盜偕得數輩腰斬於市盜爲息遷本路鈐轄明珠康奴諸族數
爲寇偕潛兵伺之斬首四百擒酋豪焚帳落獲馬牛羊千計

李及之字公達濮州人宰相迪猶子以蔭登第仁宗時知涇州更
事精明居官稱職

劉永年字君錫并州人仁宗時出知涇州帝賜詩寵之郡兵歲以
香藥爲折支三司不時輦致振武卒素驕譁通判廳事請以他物
代給永年名至庭下數其罪斬爲首之人餘不敢動

王巖叟字彥霖大名清平人幼穎悟能文仁宗患詞賦浮薄置明
經科巖叟年十八鄉試省試廷對皆第一除樂城簿涇州推官卒

甘肅新通志

卷五十九

職官志 循卓上

聖

爲名執政

元張 榮至正末知涇州明兵臨城不降死之

關王宏道淮安山陽進士洪武間任靈臺初建學宮勞績卓著

李 昭直隸元城人永樂初知涇州民稱廉能

衛 信四川劍州人永樂中知涇州處心平恕居官勤慎

李 宏河南磁州人永樂中知涇州才斷明決

劉 侃浙江嘉禾縣人永樂中知涇州民稱廉直

張好古陽城進士成化間任靈臺與吏以忤貴戚左遷是邑爲

落落如光風霽月厯陟四川按察司僉事

曹 光山西安邑舉人成化中知涇州增修東城

劉 芳湖廣道州人宏治初知涇州人稱嚴明

岳思中河南義封舉人宏治中知涇州亦嚴明著稱

陳 賢湯陰人宏治間任靈臺政修民懷

趙時用房縣人正德間任靈臺修學績著

萬士奇山西岢嵐州舉人正德初知涇州廉謹和易士民德之

宋 灝山西太原監生正德十五年知涇州增修 廟學西城

宋 鑑北直人嘉靖三年知涇州循循好古士民咸宜

江中才四川巴縣舉人嘉靖七年知涇州清廉惠愛值歲荒賑濟有術

正永吉山西石樓縣監生嘉靖十五年知涇州居官廉靜嚴而有恩時都御史王堯封丁艱賞金二萬行賂起撫陝西密諭有司償金永吉不從遂劾之左遷甯夏監糧通判戶部以糧銀數萬遣衛經歷運遷甯夏耗百三十金經歷乞哀歸易田舍償耗永吉代輸之人益信其廉厚

甘肅新通志

卷五十九

職官志

循卓上

三

張髦士山東霑化縣舉人嘉靖二十四年知涇州廉潔不妄取修理城池補葺 廟學致仕尋卒

王之屏滄州人嘉靖三十四年陞任鎮原會歲稔設法賑濟施藥療疾民感其德豎碑誌之

馬呈圖內江舉人任鎮原以撫綏爲己責法令嚴明政事寬厚民生生祠以祀

項 蓬曲靖人嘉靖間任靈臺心平政恕民咸德之

景 管安邑人嘉靖間任靈臺催科有法折獄惟允條陳驛傳十事刊行

趙承恩高邑人嘉靖間任靈臺催徵撫字民多感慕

金 銓直隸完縣進士天啟間任靈臺青年才練德政卓著歲荒賑濟全活甚眾

郭之屏安邑人天啟間任靈臺催科有序民甚德之

李茂春河南杞縣進士天啟間任靈臺政教盡善樂利生民訓迪諸生盡心學務士民至今有甘棠之慕

張鳳池夏縣人天啟間任靈臺學富才敏心慈行端修縣志建城樓築城垣勸農課士善政卓著所著有廉明仁敬四箴勉士教民教孝教弟三論又立告天石以自矢公慎

李宗孟清源人天啟間任靈臺輕徭賦勤撫字剛毅溫厚善政民懷

李文蛟懷來衛人天啟間任靈臺理煩治劇敏若游刃催科撫字教化有方窮簷父老無不歌頌有古循良風

敖宏貞金陽人崇禎間任靈臺時值變亂創修縣堡招集流氓邑人感德不忘

甘肅新通志

卷五十九

職官志 循卓上

四

賈汝棟洪洞人崇禎間任靈臺攢湊里甲於編戶多苦心

潘雲昇順天人崇禎間由平涼府經歷署任靈臺時值奇荒米珠薪桂且互相殘傷攻奪徧地雲昇設法拯濟全活甚眾且置器械勤守衛艱苦備嘗靈民至今所食皆其福也有去思碑存

國朝蘇亮節字信卿鞏昌府安定縣廩貢生成豐九年選授涇州訓導性廉謹課士重品行有餽遺拒不納貧者恆賜恤之後監修試院督工甚力士林頌德不忘

林發深字育泉四川樂至縣人由進士同治初署任涇州時同氛正熾防禦宜嚴發深商同都司范銘添修柵寨增築城池以遏賊路是年冬固原失守居民竄奔涇州者七百餘人發深就地集貲以工代賑固民賴以全活四年秋提督雷正綰軍由金積堡潰變鄰封州縣淪陷幾盡獨涇州無恙發深歷任八年積勞成疾解任

貧不能歸賴僚友暨士民集貲泔裝未抵家卒涇人痛悼匾頌曰涇涵福星

管 滂字春洲陝西興安人咸豐己未進士分刑部主事性維直有膽略隨陝甘總督左宗棠西征保道員同治八年春大兵分三道度隴宗棠由中路屯瓦雲驛以涇州爲入甘門戶餉道所經命滂駐之司飛輓事滂至涇計程立限役車絡繹軍威遂大振賊望風披靡平涼鹽固以次肅清滂與有力焉嗣中路軍進峽口滂復設局半角城遘暑疾竟不起秋七月十三日卒事 聞優卹如例 卽 杜字漢之江西德興縣廩生軍功知縣同治八年署任涇州時兵燹之餘城鄉子弟廢讀已久左宗棠駐節乾州杜請頒經書按區發給鄉里自此漸理絃誦州中書院回變廢弛每月於署內集課一次捐廉以備膏獎涇向無考棚每屆附於平涼應試者半

甘肅新通志

卷五十九

職官志 循卓上

望

艱於川資爰就行臺略爲開拓購買民地增築號舍鳩工旣竣稟請大府轉咨學政按臨扃試涇州開考自此始杜素性方直聽斷公允甯夏將軍穆圖善部十餘營駐涇東郊營勇演鎗中傷鄉民杜繩以國法不少假後調署中衛州民建去思碑以誌德政

彭光藻字靜軒湖南武陵縣監生軍功歷保知府同治十二年署任涇州性方正凡營勇陵虐百姓必嚴法懲治時左宗棠將督師出關道路坍塌車行不便光藻躬率居民興修鑿石開道遇澗成梁百餘里以外盡成坦途涇河漲阻文報不通捐貲創修橋梁以便行旅十三年妖狼扼路傷人懸賞募獵極力緝捕以紓民患兵燹後暴骨嶙峋集貲置義園二處瘞之又修官房十餘間取租以增書院膏獎並採民地欲規復書院圍牆將興工適奉委赴陝遣散湘勇功敗垂成士民惜之

劉鑑涵字鏡塘皋蘭歲貢同治十三年署任涇州學正敬禮 先師自大成殿至宮牆外日令灑掃潔淨兩祭尤誠恪無關學校事毫不干預課士以敦品爲先謹飭者禮貌有加士偶涉訟雖理直必警戒印卷規費概從輕減不勒派於寒士分文不取士戴其德歌來暮焉

程履豐字芑田安徽婺源縣優貢由秦安知縣擢靜甯州光緒五年陞任涇州有政聲吏役無敢欺者堂置木匣一以收民詞無積案亦無冤獄民號曰程大匣子涇有里車局專運饌裝不供流差歷年以來本意寢沒濫支濫應民不堪其苦履豐釐定章程湔除積弊自奉儉約惟考課不惜重貲精醫理有患病者列狀求方服之輒效無力者施藥不取毫值大旱則禱雨屢應將欲集貲興修祠宇以答神庥適大憲飭買小麥六百石履豐以連年荒旱民氣未復恐礙貧民以是忤上意遇事齟齬遂以修墓陳情乞假旋里瀕行跪送攀輿有泣下者履豐工詩署中草長不除其楹聯曰但願民安若堵何妨暑冷如冰惜別詩有何堪當孔道迎送極含愁之句著作甚富刊有隴上鴻泥一書爲士大夫所競賞

甘肅新通志

卷五十九

職官志

循卓上

巽

胡韻蘭字香谷湖北武昌府舉人光緒七年署任涇州集捐重修書院號舍數十間規模宏敞學使陸廷黻署其名曰鏡清
賈 勛字企雲江蘇上海縣舉人光緒十六年任涇州性長厚十九年秋糧價昂貴貧民委頓街坊者不少勛煮粥賑之復捐修回山鐘亭州民德之

章鶴年字綬卿湖南湘鄉縣監生以軍功保直隸州光緒二十一年署任涇州甫下車卽捐修 文廟櫺星門勤於課士研究字學尤爲入微置 聖武記國朝先正事略儒門法語及古文辭昭明

文選諸書捐發書院以培植文風待民以寬嫉惡以嚴以故棍徒斂迹盜賊潛踪偷穫田禾之風以絕婦女無敢擅入公庭時有以弟訟兄者不令對質惟諭以大義並集先正格言發給民間俾共諷誦弟若兄各自愧悔爲之罷訟終敦和好

申大振張掖舉人道光二十八年任崇信訓導勤於訓迪以月課人數寥寥思設法以鼓勵之知 文廟有香火地二頃有奇向被佃戶隱昧大振澈底根究每年得租錢四十餘千爲月課膏獎自是士子咸思上進而文風丕變

李殿惠浙江金華縣人以未入流需次甘肅同治五年補崇信縣典史未赴任三月三日督標兵變河狄諸逆與陝回乘隙撲城時賊氛猖獗糧道梗阻大吏遴員赴羊寨馬坡購買粟麥無敢應者殿惠慨然往一騎一僕由間道潛行遇賊於塗攢矛刺死其僕匿

甘肅新通志

卷五十九

職官志

循卓上

畢

巖洞得免

蘇文炳同治間任崇信六年七月陝回猖獗賊眾數萬圍攻邑城數日不解時因援兵不至守陴者皆哭文炳神色不變向天祈禱誓與城共殞不移時大雨傾盆洩水暴發賊大半溺死遂退去鄰封城池相繼失陷獨崇信無恙

張青選光緒間任崇信判斷敏決人無遁情九年邑民李天信妻私竊銀與親戚誣鄰婦盜去訟之青選呼二婦詢之察鄰婦非盜竊之人遂喚役取蘆席備用令二婦仰臥堂下以席覆身露其足厲聲曰斫盜者二足李氏突拳雙足被誣者自若也青選叱曰汝銀汝竊而誣告人耶咎至一百婦遂實供人服其神

唐受桐光緒間任崇信蒞任以來除暴安良恩威並著十六年縣屬南鄉與隴州接壤之地紅簽賊煽動邑民往往受害受桐患之

飭役往緝獲二賊嚴拷得供知是真犯詳請明正典刑自是賊黨潛蹤遠方各堡胥安堵無事

吳一夔江西樂平人順治十三年任鎮原建立縣治於北山城窳刑清政簡聽斷精明邑人至今頌之

甯世延山西聞喜縣進士康熙三年任鎮原縣南城河水冲崩世延詳請於正街南截築新城一道並建衙署於今治

馮明雨鎮原縣典史康熙十四年王輔臣之變城破遇害

宗書字義六江南興化縣進士康熙十九年任鎮原冬方山賊起亟請駐防邑人怨焉明年賊陷環縣戕官屠民獨鎮邑無恙民始德之

錢志彤字賡臣江南丹徒縣進士康熙五十四年任鎮原值歲荒詳請發倉減糶民賴以生復躬詣太陽湫泣禱三日而雨遂以有

甘肅新通志

卷五十九

職官志 循卓上

吳

秋

姚試字以功徽州歙縣人雍正八年任鎮原年少明敏聽斷如神人莫敢欺涖任七載豪強斂迹盜賊屏息兼署涇環二邑晝夜來往人莫之測而卒無廢事三邑咸感頌之

謝閻祚字悅如浙江濤山進士乾隆十七年任鎮原能文善詩涖任時業已白首勤於課士儼若嚴師以循分守己訓民輿情協服胡紀謨字息齋直隸通州舉人乾隆四十七年任鎮原性直率不諂事上官誠於愛民嚴於懲惡每遇訟虛心剖斷不事鞭扑無不引咎退息恥於犯法

廖溥明字曉東四川富順人涖鎮原時城鄉兵燹初經僑居南關黃蛟岔堡招流亡檢枯骨修衙署培城垣散籽勸耕課士通商輕征薄賦經營草昧民愛之不啻父母

劉玉衡山東武城舉人甫任鎮原卽率紳士重建 文廟大成殿及牆垣春秋禋祀始克舉崇文課士衡裁詩文允稱宗工左壽棠字子謙湖南長沙人由舉人大挑知縣同治十一年任鎮原外嚴內寬奸人斂迹創置書院勤於課士奉散牛隻勸農力田嚴查奸丁蠹役每於判獄先問兩造費錢若干迄今傳爲美談劉遠源字子培四川人奉札赴鎮原清賦念邑境寥廓山坡居多勘丈款巨民力難支飭各甲紳耆戶首按前任單開數目令各甲據實開報免其勘丈以示矜恤甫半載報有成數未墾荒地議作十年加征上不負國下不累民邑人德之

楊三統良鄉貢士順治二年任靈臺時賀賊攻圍縣城勢甚危急三統殫力戰守賴以無虞

盛之璜大興貢士順治四年任靈臺慈祥風雅人稱吏隱

甘肅新通志

卷五十九

職官志 循卓上

冕

黃居中福建龍溪人壬辰進士順治九年任靈臺時值凶荒頻仍四境皆綠林殘傷瘡痍滿目陵夷甚於他邑居中涖任卽躬歷各寨堡訓練鄉勇無事自耕自讀有事互相援救邑民賴以安堵十五年重修縣志

張齊聖福建仙遊人戊子拔貢順治十七年任靈臺詞翰夙稱三絕清惠久益見思

祝賓暘河南人同治三年任靈臺是年冬逆回陷城賓暘殉難浮屠山穴十有六載光緒七年邑令高蔚霞改葬於西洞山遂稟大府奏請 卹典奉 旨准於縣城隍廟東廊立昭忠祠春秋祀之汪鳳述字丹山順天大興人祖籍浙江道光己酉舉人光緒元年授靈臺縣涖任以來崇儒愛民課士勸農未期年去官邑人至今有甘棠之慕

蕭晉昌字耘邨湖南甯鄉人同治庚午舉人光緒五年涖任靈臺廉明仁恕視民如子明於折獄民無怨詞尤加意課士捐廉以助膏火靈邑士子爭相鼓勵晉昌性至孝公餘事母備極承歡母寢疾親侍湯藥及病篤刺股以血書禱文有減己年益親壽等語母沒哀毀骨立廬居二堂大雪弗避士民無不觀感

汪文樞浙江人任靈臺數載清正廉明兼精岐黃爲民療病其效如神值亢旱祈禱精誠甘霖大沛涇州長武甯州三屬以湯渠地界錢糧爭訟不休三屬官紳斷論不息文樞獨平心研究度情剖理劃分疆界羣相悅服後終於官湯渠百姓感其德惠建祠以祀

